

«ԵՐԵՎԱՆԻ ԶԷԿ» ՓԲԸ

ՀՀ, ք. Երևան 0053, Արին-Բերդի փ. 3-րդ նոր. 3



"YEREVAN TPC" CJSC

RA, 0053 Yerevan, Arin-Berdi st. 3rd Lane, 3

[www.ytpc.am](http://www.ytpc.am)

+374 11 472 760 | +374 11 472 771

[mailbox@ytpc.am](mailto:mailbox@ytpc.am)

N° ԱԲ/186-2024

04. 04. 2024թ./y.

«Նարեկ Պողոսյան» ԱԶ-ին  
Հասցե՝ ՀՀ ք. Երևան, Ռոստոմյան 36/33  
ՀՎՀՀ՝ 87202424  
Էլ. հասցե՝ narekpoghosyan1993@gmail.com

Հարգելի՛ պարոն Պողոսյան

ՀՀ «Երևանի Ջերմաէլեկտրակենտրոն» ՓԲԸ-ի (այսուհետ՝ Պատվիրատու) և «Նարեկ Պողոսյան» ԱԶ-ի միջև (այսուհետ՝ Վաճառող) 11.04.2023 թվականին կնքվել է N «ԵԶԵԿ-ԷԱՃԱՊԶԲ-23/6-2» ծածկագրով պայմանագիրը (այսուհետ՝ Պայմանագիր), համաձայն որի՝ Վաճառողը պարտավորվել է Պայմանագրով սահմանված կարգով, ծավալներով և ժամկետներում Պայմանագրի N 1 Հավելվածով սահմանված տեխնիկական բնութագրով նախատեսված Navigator 600 silica-յի համար նախատեսված տարեկան սպասարկման համար AW601176 ապրանքի մատակարարումը:

Պայմանագրի 2.4.1 կետի համաձայն Վաճառողը պարտավոր է Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

Պայմանագրի 2.4.2 կետի համաձայն Վաճառողը պարտավոր է ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

Պայմանագրի 2.4.4 կետի համաձայն Վաճառողը պարտավոր է Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով:

Պայմանագրի 7-րդ կետի համաձայն՝ Պատվիրատուն իրավունք ունի միակողմանի լուծել պայմանագիրը (լրիվ կամ մասնակի), եթե Վաճառողը էականորեն խախտել է պայմանագիրը:

ՀՀ քաղաքացիական օրենսգրքի (այսուհետ՝ Օրենսգիրք) 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան:

Օրենսգրքի 352-րդ հոդվածի համաձայն՝ եթե պարտավորությունը նախատեսում է կամ հնարավորություն է ընձեռում որոշել դրա օրը կամ ժամանակահատվածը, ապա պարտավորությունը պետք է կատարվի այդ օրը կամ այդ ժամանակահատվածի ցանկացած պահին:

Օրենսգրքի 408-րդ հոդվածի համաձայն՝ Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

12.03.2024 թվականին Նամակ նախագրուշացմամբ Ձեզ է առաջարկվել 10 օրացույցային օրվա ընթացքում մատակարարել Պայմանագրով սահմանված ապրանքը:

19.03.2024 թվականի Ձեր գրությամբ դուք խնդրել եք երկարաձգել ապրանքի մատակարարման ժամկետը մինչև 03.04.2024 թվականը: Ի պատասխան Ձեր գրության Ձեզ է տրվել ապրանքի մատակարարման հավելյալ ժամկետ՝ մինչև 03.04.2024 թվականը:

Նշված ժամկետի ավարտին Ձեր կողմից Պայմանագրով սահմանված ապրանքը չի մատակարարվել:

Ելնելով վերոգրյալից և հիմք ընդունելով, որ «Նարեկ Պողոսյան» ԱԶ-ն խախտել է Պայմանագրի 2.4.1, 2.4.2 և 2.4.4 կետերը, «Երևանի Ջերմաէլեկտրակենտրոն» ՓԲԸ-ն միակողմանի մասնակի լուծում է «ԵՁԵԿ-ԷԱՃԱՊՁԲ-23/6-2» ծածկագրով Պայմանագիրը:

Հայտնում ենք, որ «Նարեկ Պողոսյան» ԱԶ-ի նկատմամբ կկիրառվեն «Գնումների մասին» օրենքի 6-րդ հոդվածի 2-րդ մասի պահանջները:

«Գնումների մասին» օրենքի 6-րդ հոդվածի 1-ին մասի 6-րդ կետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և



(կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

«Գնումների մասին» օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում:

Տեղեկացնում ենք, որ եթե լիազորված մարմինն որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարում է պայմանագրի և որակավորման ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին, **իսկ եթե մասնակցի կամ պայմանագիրը կնքած անձի կողմից հայտի, պայմանագրի և (կամ) որակավորման ապահովման գումարի վճարումն իրականացվել է լիազորված մարմինն որոշումը ներկայացվելու վերջնաժամկետը լրանալուց հետո, բայց ոչ ուշ, քան լիազորված մարմնի կողմից մասնակցին ցուցակում ներառելու համար սահմանված քառասունօրյա ժամկետը լրանալը, ..., ապա պատվիրատուն դրա մասին գրավոր տեղեկացնում է լիազորված մարմին, որի հիման վրա մասնակիցը չի ներառվում ցուցակում:**

Հաշվի առնելով վերոգրյալն՝ առաջարկում ենք «ԵԶԵԿ-ԷԱՃԱՊՁԲ-23/6-2» ծածկագրով գնման պայմանագրի տուժանքի ձևով ներկայացված պայմանագրի և որակավորման ապահովումները՝ 402 560 ՀՀ դրամի չափով, ամբողջությամբ վճարել Ընկերության «Արդշինբանկ» ՓԲԸ, Շենգավիթ մ/ճ 2473600002170010 հաշվեհամարին և այդ մասին գրավոր տեղեկացնել «Երևանի Ջերմաէլեկտրակենտրոն» ՓԲԸ-ին՝ կցելով վճարումը հավաստող փաստաթուղթը (անդորրագիրը):

Տեղեկացնում ենք, որ եթե վճարման ենթակա գումարը փոխանցվի Ընկերության վերոնշյալ հաշվեհամարին, ապա «Նարեկ Պողոսյան» ԱԶ-ի նկատմամբ չեն կիրառվի «Գնումների մասին» օրենքի 6-րդ հոդվածի 1-ին մասի 6-րդ կետով նախատեսված դրույթները:

Հարգանքով՝

/Ա. Բաղդասարյան

Կատարող՝ Մատակարարման և Գնումների համակարգման բաժնի գլխավոր մասնագետ, Ն. Փարսադանյան

Հեռ. 096 74 67 23

Կատարող՝ Իրավաբանական բաժնի պետ Ա. Զաքարյան